

# Ttz'isil chuj

*B'ib'il*

**T**oj koj b'il te Twi' A'laj Wutz te tnam te Txolja. Aj tkub' chujin jun nana, kab' maj in okx tchuj junjun q'ij. In okx jun maj qlixje<sup>8</sup> ex jun maj qale.

Ajtzan tb'aj wuq q'ij, noq jun maj in okx tchuj nana. Ilti'j kjapin b'aj winqin q'ij tu'ntzun tel b'a'n nana.

Njapin b'aj winqin q'ij tchuj nana. B'e'x ok elel ttz'isil. Kxe'l txokb'il kye txqantl qya tu'n kypon mojlil.

Ilti'j ok elix miset toj chuj. Kchi xe'l nana tx'ajol b'u'x. Tx'ajol tjpel chuj, ex jni'xju xb'alén ate' ja. Aj kymeltz'aj tx'ajol otaq b'ant wab'j ex kyk'wa' q'otj. Ax tzalajsb'il nb'aj aj tex ttz'isil chuj.

Ikytzan njapin jpet winqin q'ij tchuj nana. Njapin jpet winqin q'ij toj tchwinqlal ne'x. In ok te tb'anil winaq.

Fortino Ramírez Cardona  
Comitancillo San Marcos

<sup>8</sup>Aju yol lu, ax tz'elpuna: prim.





